

肉

麥

肋


藏

皇元征緬錄
通紀

江蘇古籍出版社

皇元征緬錄

江蘇古籍出版社



四庫未收書提要

學經室外集卷三

皇元征緬錄一卷提要

不著撰人名氏卷首撮舉大綱有臣作政典云云蓋卽撰元口政典章者政典中稱英宗為今上皇帝是編似亦成于至治之初體例謹嚴非若政典之漫無端緒不足以資考證所載征緬事多與元史緬國傳相同自大德二年以下更足補正史所未備蓋明時修史卽用此為藍本錄而存之以備參考焉

皇元征緬錄

朝廷以至元十年始遣使招緬不至十四年春緬人犯邊偏將忽都上官信苴日輩大敗之十月行省遣納速剌丁破其三百餘砦然皆方面疆場之事二十年始詔宗王相吾荅兒徃征破其江頭城二十二年乃議納款貢方物旣其王爲庶子不速速古里所四大德二年其臣阿散哥也復擅廢立四年命宗王闊闊雲南省平章政事薛超兀兒忙兀都魯迷失等率師問罪功不就而還臣作政典

見高麗有林衍承化公金通精之亂今緬亦似之
皆叢爾國而妻有弗靖至煩朝廷兵鎮撫可憐哉
至元八年大理鄴聞等路宣慰司遣乞台脫因
等使緬招其內附不得見其王見其臣下遣价博
者偕來十年以乞台脫因充禮部郎中與勘馬刺
失里及工部郎中劉源工部員外郎小云失克國
信使副持詔往諭徵其子弟大臣來朝十二年四
月建寧路安撫使賀天爵言金齒人阿郭知入緬
三道一由大部馬一由縹甸一由阿郭地俱會緬

之江頭城又阿郭親戚阿提犯在緬掌五甸各萬
餘欲內附阿郭願先招阿提犯及金齒之未降者
爲引導雲南省因言緬王無降心去使不返必須
征討聖旨姑緩之十一月雲南省始報差人探伺
國信消息蒲賊阻道今蒲人漸多降者道稍通遣
金齒千額總管阿禾探得國使已達緬俱安十四
年三月緬人以阿禾內附怨之攻其地欲立砦騰
越永昌之間時大理路蒙古千戶忽都大理路總
管信直日總摠千戶脫羅脫孩奉命伐永昌之西

騰越蒲驃阿昌金齒之未降部旌駐南甸阿永告
急忽都等晝夜行與緬軍遇一河邊其眾約四五
萬象八百馬萬疋我軍僅七百人緬人前乘馬次
象次步卒象被甲背負戰樓兩旁挾大竹筒置短
槍數十於其中乘象者取以擊刺忽都下令賊眾
我寡當先衝河北軍親率二百八十一騎爲一隊
信苴日以二百三十三騎傍河爲一隊脫羅脫孩
以一百八十七人依山爲一隊交戰良久賊敗走
信苴日追之三里抵寨門旋濘而退忽南面賊兵

萬餘繞出我軍後信苴日馳報忽都復列爲三陣
進至河岍擊之又敗走追破其十七砦逐北至窄
山口轉戰三十餘里賊及象馬自相蹂死者盈三
巨溝日暮忽都中傷遂收兵明日追之至千額不
及而還捕虜甚衆軍中以一帽或一兩靴一氊衣
易一生口其脫者又爲阿禾阿昌邀殺歸者無幾
而官軍負傷者雖多惟一蒙古軍擊獲一象不得
其性被擊而斃餘無死者十月雲南省遣某道宣
慰使都元帥納速剌丁率蒙古纁焚摩些軍三千

八百人征緬至江頭深蹂酋首細安立砦之所招
降其木乃木要蒙帖木巨木禿磨欲等三百餘砦
土官曲臘蒲折民四千孟磨愛呂民一千磨柰蒙
匡黑荅八刺民二萬蒙古甸甫祿保民一萬木都
彈禿民二百以天熱還師二十年十一月王師伐
緬克之先是詔宗王相吾荅兒右丞大卜參知政
事也竿的斤將兵征緬二十年九月一日大軍發
中慶十月二十七日至南甸太卜由羅必甸進軍
十一月二日相吾荅兒命也竿的斤取道於阿昔

江達鎮西阿禾江造舟二百下流至江頭城斷緬
人水路自將一軍從驃甸徑抵其國十一日與太
卜軍會十三日令諸將分地攻取十九日破其江
頭城擊殺萬餘人別令都元帥表世安以兵守其
地積糧餉以給軍士遣使持輿地圖奏上二十二
年十一月緬王遣其鹽井大官阿必元相至太公
城欲來納款爲孟乃甸白衣頭目解塞阻道不得
行遣膽馬宅者持信搭一片來告縹甸土官匿俗
乞報上司免軍馬入境匿俗給榜遣膽馬宅回江

頭城招阿必立相赴省且報鎮西平緬麗川等路
宣慰司宣撫司差三摻持榜至江頭城付阿必立
相忙直卜弄二人期以兩月領軍來江頭城宣撫司
率蒙古軍至驃甸相見議視事阿必立先乞言於
朝廷降旨許其悔過然後差大官赴關朝廷尋鎮
西平緬宣撫司達魯花赤兼招討使怯烈使其國
二十四年正月緬王爲其庶子不速速古里所執
囚於昔里怯谷刺之地又害其嫡子三人與大官
木浪周等四人同爲逆雲南省請今秋進討奉旨

不聽既而雲南王與諸王進征至蒲甘喪師七千
餘始平定歲貢方物大德元年緬王遣其子僧加
八的來朝賜王爵印封僧加八的爲世子二年雲
南省先遣管竹思加使登籠國其國王遣其舅兀
刺合兀都魯新合二人從管竹思加赴關二月至
蒲甘緬王帖滅的令可瓦力引軍登舟縛去兀刺
合兀都魯新合劫掠貢物以去六月管竹思加至
太公城緬人阿只不伽闌等來言舊緬王帖滅的
實行劫奪於尔今已去位鄒聶爲王遣我輩召尔

議遣人赴朝管竹思加至蒲甘鄒聶曰帖滅的引
八百媳婦軍破我甘當散當只麻刺班羅等城又
劫奪尔登籠國人物尔等回朝不知其故必加兵
於我今帖滅的已廢特差大頭自密得力信者章
者思力三人奉貢入朝又移文雲南省稱木連城
土官阿散哥也皇帝命佩大牌子爲官人初實無
罪前緬王欲殺之聖旨令安治僧民前緬王却通
叛人八百媳婦引兵來壞甘當散當只麻刺班羅
四族百姓又劫奪登籠國貢物是故阿散哥也阿

刺者僧吉藍僧哥速等廢前緬王令我爲王行省
以聞三年八月太公城總管細豆移文江頭站頭
目速的刺必塞馬加刺言阿散哥也兄弟三人領
軍三萬謂荅麻的微緬王及其世子曰自歸大元
之後使我多負勞費殺緬王以下世子妻妾父師
臣僕百餘人雲南行省問其持文書來者我文哥
言緬王就弑時謂阿散哥也曰我祖以來不死於
刃可投我水中或縊死遂縊之埋□□屋下七日
風雨不止夢其國人曰吾埋不得其地若焚屍棄

骨於水則晴從之果然我文哥出十餘日又聞世子及逃出次子之母與父師臣僕與前此隨國信使留緬回面畏吾兒漢人百餘輩皆被害阿散哥也又逼淫新王之母是月緬王之子古馬刺加失八聽耽八者里及其師來奔陳辭於雲南省乞復讎大緊謂阿巴民叛緬王乞師朝廷伐定之叛人怒謂王求軍救掠我爲人奴遂修城聚兵謀廢其王又僧可速左右及阿刺者僧吉藍從人相繼從叛者殺害密里都邦加郎等族王謂其兄阿散哥

也可勸汝兄弟勿尔對曰我說必聽不聽我親伐之王悉以其民付阿散哥也因此力衆遂生二心王執而囚之僧哥速等於不甘雨宿吉老亦之地築大城拒守水陸進兵來逼蒲甘王釋阿散哥也令百官乘象馬從阿散哥也出見僧哥速等奪象馬掠百官求錢物燒城池鎖王足置豕牢中分其妻妾王爲皇帝奴冤苦如此望拯救雲南行省左丞忙兀都魯迷失又上言緬王歸朝十一年矣未嘗違失今其臣阿散哥也兄弟三人以三罪加其

身置父子縲絏又通新王之母據舊王之妻妾假
三罪皆實亦當奏從朝廷區處乃敢擅權廢立豈
有此理今其子來求救且小甸叛人劫虜官民尚
且赴救荅麻刺的微王乃上命爲國主叛臣囚之
豈可不救抑使外國效尤爲亂將致大患行省以
聞已而又聞新主亦被弑阿散哥也篡立九月中
書聞於上上曰忙兀都魯迷失之言是也速議奏
行十二月阿刺哥也犯邊攻阿真谷馬來城距太
公城二十里駐兵尋退四年正月忙兀都魯迷